

Direkteanskaffing - Biblioteksbåt til pilotprosjekt

Både anskaffingslova (LOA) og anskaffingsføreskrifta (FOA) er begge gjeldande for alle anskaffingar over kr 100 000, jf. LOA § 2 og FOA § 1-1.

Pilotprosjektet som omhandlar leige av båt til flytande litteraturhus med ei varigheit på ca. 40 dagar har ei total kostnadsramme på kr 500 000 og er derfor under den nasjonale terskelverdien på kr 1.3 mill. (del I).

Dette betyr at Kommunen må oppretthalde dei grunnleggande prinsippa i LOA § 4 for kjøp mellom kr 100 000 og kr 1.3 mill.

Det er ingen kunngjeringsplikt under del I anskaffingar og i nokre tilfelle kan det gjennomførast direkteanskaffingar. Kommunen skal gjere anskaffinga kjent for ei rimeleg mengde leverandørar, viss mogeleg. Men ein kan ikkje sjå på kravet om konkurranse åleine, og må derfor vurdere dette i samanheng med kravet om «forbeholdmessighet» jf. § 4 og formål med lova om effektiv bruk av samfunnets ressursar jf. § 1.

Kommunen må derfor objektivt vurdere del I anskaffingar og vurdere med eit vist innkjøpsfagleg skjønn om den aktuelle anskaffinga kan forsvarast med å gå direkte til ein leverandør eller nokre få leverandørar.

I dette aktuelle tilfellet er det gjennomført ein marknadsundersøking får å kartlegge leverandørmarkanden for båtar som ikkje treng tilpassing eller ombygging for å dekke det aktuelle behovet om ein passande båt som kan vere tilgjengeleg i ca. 40 dagar.

Det er gjennomført søk i anskaffingsdatabasar som Doffin og Mercell i tillegg til andre internett søk. Det er og henta inn informasjon får fylket som har hatt erfaring med liknande anskaffingar. Konklusjonen av dette er at det ikkje er andre leverandørar i Noreg for det aktuelle behovet som nemnt over. Det vil derfor kunne forsvarast at ein inngår ein avtale direkte med den eine aktuelle leverandøren for å dekke behovet til dette pilotprosjektet.

Viss det på eit seinare tidspunkt blir aktuelt med ei fleirårig avtale på ein «biblioteksbåt» så er anbefalinga at ein kunngjere konkurranse då behovet vil vere endra grunna størrelse og lengde på den aktuelle tenesta.

Venleg helsing,

Børge Engedal | Innkjøpssjef